

## **Wä de Huhstroß langjeeht** (Sprach-Parodie als Kölner VDS-Motto)

Text: Dietmar Kinder, frei nach: „En d'r Kayjass Nummer Null“ nach der Melodie von Hermann Kläser

Wä de Huhstroß langjeeht  
un kein Woort mieh versteiht,  
froch, wo ben ich he zu Hus?  
Nur noch Power un Sale,  
un per Handy flöck en Mail,  
üvverall dä Denglisch Stuss.  
Un do hann mer hin un her üvverlaht,  
un hann für ne Immi jesaht:

Refr.: Jo, jo, dat wesse mer genau,  
sujar janz genau, denn dat hann mer flöck kapiert,  
jede Quatschkopp beim Lehrer Welsch en d'r Klass,  
hatt sich null-Komma-nix blamiert.  
Dreimol Null eß Null bliev Null,  
denn mer woren en der Kayjaß en d'r Schull,  
dreimol Null eß Null bliev Null,  
denn mer woren en der Kayjaß en d'r Schull.

Es McClean kapott  
dä McPaper bahl fott  
kötte met ner Sammeldos;  
kütt McDonald's anjerannt  
met 'nem Pfandsching en d'r Hand  
säht: „Wat mache ich jezz blos?“  
Un do han mer hin un her üvverlaht,  
un hann för McDonald's jesaht:

Refr.: Jo, jo, dat wesse mer genau, sujar janz.....

Neulich hann mer bei d'r Stadt,  
die en Call Center hat,  
stundelang die „Line je-hold“.  
Als meer endlich komen dran  
säht die Dame för uns dann:  
„Sorry, bye, un selver schold!“  
Un do han mer hin un her üvverlaht,  
un hann för dat Call-Girl jesaht:

Refr.: Jo, jo, dat wesse mer genau, sujar janz.....